



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cautela Confessarii Pro Foro Sacramentali Occasione
Decretorum S. M. Alex. VII. Innoc. XI. Et Alexandri VIII. ...**

Matthaeucci, Augustín

Francofurti Ad Moenum, 1711

§. XVII. Sacrilegium.

urn:nbn:de:hbz:466:1-40684

mendum, & interpretandum se illud
prestuisse ad experimentum sumendum
de divinis perfectionibus.

117. Nota, quod Deum non tentat,
qui ab ipso orationibus petat, ut per bona
media ostendat sibi suam voluntatem, ut
eam implete.

Item, quod si necessitas, vel rationa-
bilis causa subesset, tunc non tentaret
Deum, qui auxilium aliquod extraor-
dinarium ab eo postularet, aut expecta-
ret, juxta illud 2. Paralip. 20. Cum
ignoramus, quid agere debeamus, hoc so-
lum habemus residui, ut oculos nostros ad
te dirigamus. Hinc dixit August., lib.
10. confess. cap. 35. In ipsa religione
Deus tentatur, cum signa, & prodigia fla-
gitantur, non ad aliquam salutem, sed ad
solam experientiam desiderata. Pro-
pter etiam sancti, qui suis precibus obti-
nuerunt a Deo miracula, Deum non ten-
tarunt, quia ex aliqua necessitate, vel
pia utilitate, aut speciali Dei motio-
ne movebantur ad petendos tales effe-
ctus.

118. Quæritur. An tentatio Dei sit
ex suo genere mortale?

Resp. Affirmative. Nam, cum ea non
potest levvari charitis cum Deo, cui ex
charitate debemus reverentia bonum,
per temptationem autem summam ipsi inter-
rogamus irreverentiam. In humanis nul-
lis sine irreverentia, & contemptu Prin-
cipis querit absque irrationali causa,
quid ipse velit, sciat, & possit; ita in
fortioribus terminis in proposito Deum
tentans ipsi irreverentiam interrogat, vel,
quia dubitans de ipsis potentia, vult
scire, quid possit; vel, quia volens ejus
secreta noscere, vult experiri, quid velit;

vel, quia vult ipsum necessitare, & ad mi-
racula cogere.

119. At petitur. An à mortali excu-
fare possit parvitas materia?

Relp. Negativè. Quia tentatio Dei,
nec formalis, nec interpretativa admittit
parvitatem materia; in irreverentia e-
nī facta Divina Majestati immediatè
hac non datur, per dicta supr. num. 11.
Quamobrem tentatio Dei semper est
mortale; & solūm esse potest veniale ex
defectu perfectæ deliberationis. De hac
revidendus D. Thomas 2.2. q 87.

§. XVII.

Sacrilegium.

120. Quæritur. Quid sit sacri-
legium.

Resp. Est violatio rei sacre in eo, in
quo est sacra, seu cultui divino, & Deo
dedicata. Rebus sacris, Deoque dica-
tis reverentia debetur, ergo qui eas ir-
reverenter tractat, sacrilegium commis-
tit.

121. Quæritur Petrus furatus est in
Ecclesia; Item Clericum percutiit; Item
Sacramentum in mortali suscepit; peti-
tor, an in confessione satiates faciat, dum se ac-
cusat, se commisere sacrilegium, vel debeat
speciem explicare.

Relp. Species est explicanda. Triples
enim sacrilegi species distinguuntur. Pri-
ma, qua sit injuria persona sacra; ut, si
in Clericum, vel Religiosum violenta
manus injiciatur, percutiendo, & rapien-
do: Si eorundem Immunitas per Ju-
dicem laicum violetur, trahendo ipsis
ad suum forum: Si contra votum
perfo-

personale castitatis peccatum committatur.

Secunda, qua sit injuria loco sacro, ut, si vi ab Ecclesia extraehatur reus, qui ad illam pro asyllo confugit: Si ipsa injusta sanguinis humani, vel voluntaria humanae lenitatis effusione polluat, & profanetur: Si ex ea furto, vel rapinatus, etiam non sacra accipiatur.

Tertia, qua sit injuria rebus sacris, hoc est, Sacramentis, oleo sancto, aqua, & Agnis benedictis, &c. Reliquiis, & imaginibus Sanctorum: juribus, & bonis Ecclesiarum: sive sint mobilia, sive immobilia ad sustentationem ministrorum deputata: & verbis sacris Scripturarum, adhibendo ea, vel ad superstitiones inducendas, vel haeresim confirmandas, aut ad vana, & res ludicas. *Trid. sess. 4. in decreto de usu sacr. libror.*

Quamobrem, ut integrè confiteatur, debet speciem sacrilegii aperire: cùm certum sit, sacrilegium commissum per furtum in Ecclesia specie distingui à patrato per violentam manuum injectionem in Clericum, vel indignam receptionem sacramenti.

122. At petitur. *An satis sit, ut speciem facatur; ut, quod abusus sit persona sacra, quod res sacras, vel sacramentum irreverenter tractaverit, &c.*

Resp. Negative, sub quavis specie sacrilegii ex adductis sunt diversi gradus secundum moralem malitiam, juxta differentiam personarum, & rerum sacramentorum.

Hinc, dum lèduntur personæ sacrae oportet videre, in qua specie sint sacrae: an violatum fuerit votum castitatis, & an simplex, an solemnis: an illud absti-

nentia? Nam sicut votum castitatis specie distinguitur ab illo abstinentia, & illud simplex castitatis a solemnii ex dicendis cap. sequen. nu. 1. O. ita sacrilegia in ipsum violatione commissa. Pariter privilegium canonis specie distinguitur ab illo Fori, adeoque & sacrilegia per leadem illa in Clerico patrata. Item aliud est sacrilegium percutientis, vel occidentis Clericum, & aliud violantis castitatem in eo. Item major, & alia deformitas moralis notabiliter aggravans, in hoc apparet, quod quis Clericum occidat, quam mere verberet, vel mutillet; & in eo, quod Episcopus percutiatur, quam simplex Clericus. Atque ita gravius est Clericum occidere, quara præcisè verbetare; graviusque percutere Episcopum, quam simplicem Clericum. Quæ omnia de necessitate sunt explicanda distinctè in confessione.

Item, sicut sacramenta specie distinguuntur, sic sacrilegia circa ea commissa; & cùm conferens, & recipiens essentia liter differant, ita diversum specie sacrilegium est, quo sacramentum ministratur in mortali, ab eo, quo in mortali recipitur, & deo explicandum, an peccatum fuerit commissum in ministratio ne, vel receptione. Scit, dum quis se accusat delinquisse in Sacramentorum confessione aperire debet, an ex defectu intentionis, an materie, vel formæ.

Denique, sicut reliquiae Sanctorum, Agnus Dei, vasa sacra, &c. specie differunt, ita & sacrilegia circa ea commissa. Quapropter in confessione aperiendum est, quod quis delignerit, vel circa Sanctorum reliquias, aut Agnus Dei; vel, quod celebraverit sine Pate-

(S) 3

122.

142

na, sine Corporali, vel Stola; quod
verbis Sacrae Scripturae abusus sit, & ad
quid aut, quod bona Ecclesia occupa-
verit, vel jura usurpaverit.

123. Quæritur. *Quæ regula est ponde-
randa à Confessario, ut cognoscatur,
quando à penitente sacrilegium sit com-
missum?*

Resp. Debet considerare, ad quid per-
sona, locus, vel res sit sanctificata, vel
Deo sacra: & videre, an aliquid actum
sit contra illud, ad quod sanctificata; &
sacra dicitur. V. G. Ager Ecclesie est
sanctificatus, & Deo dicatus, quoad
hoc, quod si exemptus ab oneribus, &
jurisdictionibus Laicorum; ideo com-
mittitur sacrilegium, si seculari autho-
ritate illis gravetur; non autem si quis
in eo fornicetur, quia per hoc, quod
est Ecclesia, non est, quod hoc exem-
ptus. Item, sacrilegium est, si quis in
loco sacro fornicetur, non verò si ibi
detrahat, & blasphemet, quia loci san-
ctitas est ad exemptionem a voluntaria
humani seminis effusione, non a detrac-
tione, & blasphemia (quamvis alias
peccetur mortaliter) Pariter sacrilegium
est, si Sacerdos fornicetur, quia sancti-
ficatus est, & sacratus ad castitatem, non
autem si blasphemet, quia ad non blas-
phemandum non est sacratus Deo, nisi
votum emiserit de non blasphemando,
quia tunc etiam blasphemans sacrilegio,
& non simplici mortali, delinqueret; ex
quo in eo, tunc se ipso abuteretur, in quo
eiller sacer, juxta dicta seq. cap. num. 11.

124. Quæritur. *An sacrilegium ex ge-
nere suo si mortale?*

Resp. Affirmative. Ratio est, quia
quemadmodum nequit servari charitas,

cum homini injuria irrogatur, ita nec
servari potest, cum Deo injuria infertur;
infertur autem per irreverentiam rerum
sacrarum, & ad divinum cultum depu-
tatarum; eisque injuria per violationem
facta, in Deum redundat, sicut injur-
ia purpuræ redundat in Regem.

125. At petitur. *An proper levit-
atem materia possit esse veniale?*

Resp. Affirmative. Et propterē DD.
asserunt, sacrilegium, quod per se est
mortale, per accidens, hoc est, ratione
parvitatis materiae, & imperfectæ deli-
berationis posse esse veniale.

126. At petitur. *An in omni materia
sacrilegium ex parvitate materia possit
esse veniale?*

Resp. Negativè. Veniale esse non po-
test. I. Dum, etiam si materia sit mini-
ma, quis vult illud committere ex for-
mali intentione dehonandi Deum, vel
cum divini cultus formaliter contemptu. Et
ita, cum ea intentione irreverenter pro-
ferre, etiam nomen Jesu, est lethale sa-
cilegium: in quo, si non ratione mate-
riae, ratione tamen contemptus, gravis
malitia, & deformitas reperitur.

II. Cum ex defectu alicuius prærequi-
siti totaliter effectus tollitur; ita, ubi
quis ex industria gutta aquæ biberit,
vel granum millii comedenter, si postea
communicat, lethali sacrilegio delin-
quit, quia totaliter impeditur gratia, ef-
fectus sacramenti: unica aqua gutta se-
cundum se est materia levis, sed impedi-
re totalem sacramenti effectum res gra-
vis est.

III. Dum Sacerdos voluntarie illud
parum aquæ necessarium ex præcepto Ec-
clesie non admisceret vino consecrando.

Nam

Nam tunc totalis significatio tollitur, juxta dicta lib. 5. cap. 4. nro. 14.

IV. Sicut in rebus venereis parvitas materiae non excusat Laicum à mortali, ita nec Religiosum, vel Sacerdotem à sacrilegio, quia in eis rebus illa non admittitur.

V. Quia verò furtum unius oboli parvitas materie est, à mortali excusans, ita à sacrilegio mortali ex parvitatem materiae excusatur, furans obolum in loco sacro, vel religiosus contra votum paupertatis absque licentia de obolo disponens: in his enim gravis irreverentia non appetat rebus sacris fieri.

§. XVIII.

Fortitudo.

127. Quæritur. Quid sit fortitudo, ut sit virtus moralis?

Resp. Est virtus importans firmatatem animi in sustinendis, & repellendis, quando oportet ad bonum virtutis, doloriferis, continentibus etiam pericula mortis, ut, mutilationibus, incarcerationibus, exiliis, tormentis, &c. ipsaque morte; qua cum sint apta frangere cuiusvis animum, & difficile sit firmatatem in eis habere, ac non timere mortis pericula, necessaria est virtus, qua moderetur timorem, ne nimis timendo mortem, Deum offendamus relinquendo virtutis exercitium, & moderetur audacians, ne plus aggrediamur, quam facta ratio dicit.

128. Audacia committitur temeritate expositione. In hoc genere, præcipuus actus fortitudinis est, prudens ani-

madversio cum cautela periculorum, ne exponatur, ubi sine ulla utilitate, vel necessitate mors sequeretur. Ideo, etiam viri sancti mortem, quando eam subire non oportebat, per fortitudinis actum præcaverunt.

Hinc fortis est Parochus, qui videt sibi imminere mortem, & officium suum, & charitatem erga pestis infectos exercet fortis auctor, periculum mortis contemnens. Fortes fuerunt antiqui Christiani, qui sine querela sustinuerunt exilia, bonorum amissionem, &c. & fortissimi martyres (ideo dicti, quasi testes fidei Catholicæ) qui pro Christi fide, animo fortis, & firme absque metu, ipsam mortem à Tyrannis tolerarunt.

Dices. Fides obligat sub mortali, ut, non obstante quocumque, etiam mortis periculo, non negetur, sed confiteatur; quia licitum non est, ob timorem cuiuscumque mali, etiam mortis, fidem negare, vel alias virtutes violare, sed quilibet fidelis tenetur se morti expondere pro defensione omnis Christianæ virtutis: Ergo non fortitudo eam firmatatem præstat.

Repl. Negando consequiam. Licet enim aliarum virtutum præcepta, etiam cum mortis periculo obligent, & homines sic in facti contingentia exequi teneantur; non sequitur tamen, quod ipsa virtus exequenda in tali periculo sit fortitudo, sed hæc ab ea in sublidium imploratur: explico: coram Tyranno mortem minante est confitenda fides: fides tunc cum Dei auxilio facit internè credere firmissimè ea, quæ à Deo sunt revelata Ecclesiæ Catholicæ, & confiteri externè talis alienum; sed fortitudinis virtus fa-

cit